

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ

ՈՐՈՇՈՒՄ N 8/9.2

քսանհինգը հունիսի երկու հազար տասնչորս թվականի

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԿԵՆՍԱԲԱՆՈՒԹՅԱՆ ՖԱԿՈՒԼՏԵՏԻ
«ԿԵՆՍԱԲԱՆՈՒԹՅԱՆ» ԳԻՏԱՀԵՏԱԶՈՏԱԿԱՆ ԻՆՍՏԻՏՈՒՏԻ ԿԱՆՈՆԱԴՐՈՒԹՅՈՒՆԸ
ՀԱՍՏԱՏԵԼՈՒ ՄԱՍԻՆ

Ղեկավարվելով Երևանի պետական համալսարանի կանոնադրության 30-րդ կետի 3-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 3-րդ ենթակետով՝ Երևանի պետական համալսարանի գիտական խորհուրդը որոշում է.

1. Հաստատել Երևանի պետական համալսարանի կենսաբանության ֆակուլտետի ,Կենսաբանությաննե գիտահետազոտական ինստիտուտի կանոնադրությունը՝ համաձայն հավելվածի:

2. Սույն որոշումն ուժի մեջ է մտնում ընդունման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

Ա. Հ. ՍԻՄՈՆՅԱՆ

Հաստատված է
ԵՊՀ գիտական խորհրդի
2014 թ. հունիսի 25-ի նիստում

ԵՊՀ գիտական խորհրդի նախագահ
Ա. Հ. Միմոնյան

‘25’ հունիսի 2014թ.

ԿԱՆՈՆԱԴՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԿԵՆՍԱԲԱՆՈՒԹՅԱՆ ՖԱԿՈՒԼՏԵՏԻ <<ԿԵՆՍԱԲԱՆՈՒԹՅԱՆ>> ԳԻՏԱՀԵՏԱԶՈՏԱԿԱՆ ԻՆՍՏԻՏՈՒՏԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնադրությունը սահմանում է Երևանի պետական համալսարանի (այսուհետ՝ ԵՊՀ) կենսաբանության ֆակուլտետի (այսուհետ՝ ֆակուլտետ) ,Կենսաբանության գիտահետազոտական ինստիտուտի (այսուհետ՝ ինստիտուտ) գործունեության իրավական հիմքերը:

2. Ինստիտուտը գործում է Հայաստանի Հանրապետության օրենսդրության համապատասխան, ԵՊՀ կանոնադրության, ֆակուլտետի կանոնադրության և սույն կանոնադրության հիման վրա:

3. Ինստիտուտը մշակում և Ինստիտուտի գիտական խորհրդում ընդունում է իր կանոնադրությունը, որը հաստատվում է ԵՊՀ գիտական խորհրդում: Սույն կանոնադրության մեջ փոփոխությունները և լրացումները կատարվում են նույն կարգով:

4. Ինստիտուտը ստեղծվում, վերակազմակերպվում, կամ լուծարվում է ԵՊՀ գիտական խորհրդի որոշմամբ:

5. Ինստիտուտի պաշտոնական անվանումն է՝
հայերեն՝ ԵՊՀ կենսաբանության ֆակուլտետի ,Կենսաբանության
գիտահետազոտական ինստիտուտ

ռուսերեն՝ Научно-исследовательский институт “Биологии” факультета Биологии ЕГУ

անգլերեն՝ Scientific-research Institute of “Biology” of the faculty of Biology of YSU

6. Ինստիտուտի գտնվելու վայրն է՝ ՀՀ, ք. Երևան, Ալեք Մանուկյան 1, 5-րդ մասնաշենք, կենսաբանության ֆակուլտետ:

7. Ինստիտուտը ֆակուլտետի կառուցվածքային ստորաբաժանում է, որն իր կանոնադրությանը համապատասխան օժտված է իրավունքներով և կրում է պարտականություններ:

8. Ինստիտուտն ունի կնիք, սահմանված կարգով կարող է ունենալ նաև իր անվանմամբ դրոշմակնիք՝ (հայերեն, ռուսերեն, անգլերեն լեզուներով), պաշտոնաթուղթ (բլանկ):

II. ԻՆՍՏԻՏՈՒՏԻ ԽՆԴԻՐՆԵՐՆ ՈՒ ԻՐԱՎԱՍՈՒԹՅՈՒՆԸ

9. Ինստիտուտը ԵՊՀ գիտական գործունեություն իրականացնող ստորաբաժանում է: Այն իրականացնում է գիտահետազոտական գործունեություն ֆիզիկաքիմիական

կենսաբանության, մոլեկուլային և բջջային կենսաբանության, գենետիկայի, մանրէաբանության և կենսատեխնոլոգիայի, ֆիզիոլոգիայի, կենսաբազմազանության ուսումնասիրման, էկոլոգիայի և բնության պահպանության բնագավառներում, ինչպես նաև նպաստում է ֆակուլտետում իրականացվող բակալավրիական, մագիստրոսական և ասպիրանտական կրթությանը:

10. Ինստիտուտն իր իրավասության սահմաններում իրավունք ունի ընդունելու որոշումներ, եթե դրանք չեն հակասում Հայաստանի Հանրապետության օրենսդրությանը, ԵՊՀ կանոնադրությանը, ԵՊՀ կենսաբանության ֆակուլտետի կանոնադրությանը, ԵՊՀ ներքին իրավական ակտերին և Ինստիտուտի կանոնադրությանը:

11. Ինստիտուտը, ելնելով իր կողմից իրականացվող գիտահետազոտական, կրթական, գիտական, ուսումնաօժանդակ և տեխնիկական աշխատանքների բնույթից, ըստ սահմանված չափանիշների մշակում է իր հաստիքացուցակը, որը հաստատվում է ռեկտորի կողմից:

12. Ինստիտուտի ֆինանսական միջոցների գոյացման աղբյուրներ կարող են լինել Հայաստանի Հանրապետության պետական բյուջեից կատարվող հատկացումները, Հայաստանի Հանրապետության ու օտարերկրյա պետությունների իրավաբանական և ֆիզիկական անձանց կատարած բարեգործական հատկացումները, նվիրատվությունները, Հայաստանի Հանրապետության օրենսդրությամբ չարգելված այլ աղբյուրները: ԵՊՀ եկամուտների և ծախսերի տարեկան նախահաշվով ԵՊՀ խորհրդի որոշմամբ Ինստիտուտին կարող են հատկացվել ֆինանսական միջոցներ, որոնք Ինստիտուտը տնօրինում է սահմանված կարգով:

III. ԻՆՍՏԻՏՈՒՏԻ ԿԱՌԱՎԱՐՈՒՄԸ

13. Ինստիտուտի կառավարումն իրականացվում է ՀՀ օրենսդրությանը, ԵՊՀ կանոնադրությանը, ֆակուլտետի կանոնադրությանը և Ինստիտուտի կանոնադրությանը համապատասխան, միանձնյա և կոլեգիալ կառավարման սկզբունքների գույակցմամբ:

14. Ինստիտուտի կառավարման մարմիններն են Ինստիտուտի գիտական խորհուրդը և տնօրենը, որոնք իրենց իրավասության սահմաններում ընդունում են ինքնուրույն որոշումներ, եթե դրանք չեն հակասում Հայաստանի Հանրապետության օրենսդրությանը, ԵՊՀ կանոնադրությանը, ԵՊՀ կենսաբանության ֆակուլտետի կանոնադրությանը, ԵՊՀ ներքին իրավական ակտերին և Ինստիտուտի կանոնադրությանը:

15. Ինստիտուտի գիտական խորհուրդն իր իրավասության շրջանակներում քննարկում և լուծում է Ինստիտուտի գործունեությանն առնչվող հիմնական հարցերը:

16. Գիտական խորհուրդը կազմված է ի պաշտոնե, հրավիրյալ և ընտրովի անդամներից: Գիտական խորհրդի անդամների թիվը չի կարող գերազանցել 26-ը: Գիտական խորհրդի ի պաշտոնե և հրավիրյալ անդամների թիվը չի կարող գերազանցել գիտական խորհրդի կազմի 50 տոկոսը:

17. Գիտական խորհրդի կազմի մեջ ի պաշտոնե մտնում են տնօրենը՝ որպես նախագահ, տնօրենի տեղակալը, Ինստիտուտի արհիվորային նախագահը, Ինստիտուտի լաբորատորիաների ղեկավարները:

18. Գիտական խորհրդի կազմում կարող են ընդգրկվել Ինստիտուտի գործունեության և մասնագիտությունների հետ կապված արտահամալսարանական ու արտաինստիտուտային մասնագետներ՝ գիտական խորհրդի կազմի մինչև 20 տոկոսի չափով:

19. Գիտական խորհրդի ընտրովի անդամների թեկնածությունները համամասնորեն առաջադրում են Ինստիտուտի կառուցվածքային ստորաբաժանումները, որոնց թիվը հաշվարկվում է ըստ տվյալ ստորաբաժանման հաստիքների գումարային թվաքանակի: Գիտական խորհրդի ընտրովի անդամներ կարող են առաջադրվել բացառապես տվյալ ստորաբաժանման հիմնական գիտական աշխատողները:

20. Գիտական խորհրդի լիազորությունների ժամկետը 5 տարի է: Գիտական խորհրդի լիազորությունների ավարտից մեկ ամիս առաջ տնօրենը ռեկտորի հաստատմանն է ներկայացնում գիտական խորհրդի անդամների ցուցակը:

21. Գիտական խորհրդի քարտուղարին գիտական խորհրդի անդամներից տնօրենի ներկայացմամբ նշանակում է ռեկտորը:

22. Ինստիտուտի գիտական խորհուրդը՝

1) ընդունում է Ինստիտուտի զարգացման ծրագիրը,

2) քննարկում է Ինստիտուտի լաբորատորիաների գիտահետազոտական աշխատանքների մասին հաշվետվությունները,

3) իր կազմից ձևավորում է մշտական և/կամ ժամանակավոր հանձնաժողովներ,

4) հաստատում է տնօրենի կողմից ներկայացված Ինստիտուտի գիտական խորհրդի մրցութային հանձնաժողովի կազմը,

5) Ինստիտուտի գիտական խորհրդի մրցութային հանձնաժողովը սահմանված կարգով կազմակերպում և իրականացնում է Ինստիտուտի գիտաշխատողների աշխատանքի ընդունման համար անհրաժեշտ մրցութային գործընթացը,

6) սահմանված կարգով իրականացնում է Ինստիտուտի գիտաշխատողների համակազմի ընտրությունը՝ հիմք ընդունելով մրցութային հանձնաժողովի ներկայացրած թեկնածուներին,

7) լսում է Ինստիտուտում կատարվող գիտական թեմաների վերաբերյալ հաշվետվությունները, դրամաշնորհների, գիտակրթական գործուղումների վերաբերյալ հաղորդումները,

8) լուծում է Ինստիտուտի գիտահետազոտական, գիտակրթական աշխատանքի, արտահամալսարանական և միջազգային գործունեության այլ հարցեր:

23. Ինստիտուտի գիտական խորհրդի նիստերը հրավիրում է տնօրենը՝ ըստ անհրաժեշտության, բայց ոչ պակաս, քան չորս անգամ մեկ ուսումնական տարում:

24. Գիտական խորհրդի նիստերն իրավագոր են նրա անդամների երկու երրորդի ներկայության դեպքում: Գիտական խորհրդի անդամների ներկայությունը գրանցում է գիտական քարտուղարը՝ նիստն սկսելուց առաջ: Քվորումը չապահովելու դեպքում գիտական խորհրդի նախագահի որոշմամբ գրանցման գործընթացը կարող է երկարաձգվել մինչև 30 րոպե:

25. Ինստիտուտի գիտական խորհրդում որոշումներն ընդունվում են խորհրդի նիստին ներկա անդամների ձայների պարզ մեծամասնությամբ, բաց քվեարկությամբ, եթե գիտական խորհուրդն այլ որոշում չի կայացրել: Գիտական պաշտոնների տեղակալման, ընտրության մրցույթների քվեարկությունը կատարվում է փակ, գաղտնի ընթացակարգով:

26. Գիտական խորհրդի նախագահի կողմից նիստի հրավիրման անհնարինության դեպքում գիտական խորհրդի նիստը հրավիրում է տնօրենի տեղակալը:

27. Գիտական խորհրդի նիստերին խորհրդակցական ձայնի իրավունքով կարող են մասնակցել համալսարանի ռեկտորը, պրոռեկտորը, ֆակուլտետի դեկանը, ինչպես նաև հրավիրված այլ անձինք:

28. Գիտական խորհրդի որոշումները պարտադիր են Ինստիտուտի ստորաբաժանումների և աշխատողների համար:

29. Գիտական խորհրդի նիստերն արձանագրվում են: Արձանագրությունը ստորագրում են նախագահը և քարտուղարը: Նիստի օրակարգը և ընդունված որոշումները հինգ աշխատանքային օրվա ընթացքում ենթակա են հրապարակման ԵՊՀ պաշտոնական կայքում:

30. Ինստիտուտի գիտաշխատողների (առաջատար գիտաշխատող, ավագ գիտաշխատող, գիտաշխատող, կրտսեր գիտաշխատող) ընտրությունն իրականացվում է ինստիտուտի գիտական խորհրդի նիստում, փակ գաղտնի քվեարկությամբ:

31. Ինստիտուտի լաբորատորիաների վարիչների ընտրությունը կատարվում է Ինստիտուտի գիտական խորհրդի նիստում, փակ գաղտնի քվեարկությամբ և հաստատվում է ֆակուլտետի գիտական խորհրդի նիստում:

32. Ինստիտուտի գործունեությունը կազմակերպում և ղեկավարում է տնօրենը՝ իր իրավասությունների սահմաններում և Ինստիտուտի կանոնադրությանը համապատասխան:

33. Տնօրենն ունի տեղակալ:

34. Ինստիտուտի տնօրենի թեկնածությունն առաջադրվում է Ինստիտուտի գիտական խորհրդի կողմից, տնօրենն ընտրվում է մրցութային կարգով ֆակուլտետի գիտական խորհրդում, փակ գաղտնի քվեարկությամբ:

35. Տնօրենին աշխատանքի է նշանակում և աշխատանքից ազատում է ԵՊՀ ռեկտորը՝ ֆակուլտետի ղեկանի ներկայացմամբ՝ ֆակուլտետի գիտական խորհրդի նիստի փակ գաղտնի քվեարկությամբ՝ ֆակուլտետի ղեկանի ընտրության գործող ընթացակարգին համապատասխան:

36. Տնօրեն կարող է նշանակվել գիտությունների դոկտորի կամ թեկնածուի գիտական աստիճան ունեցող անձը, ով ֆակուլտետի հիմնական աշխատող է և ֆակուլտետի ներսում չի զբաղեցնում այլ ղեկավար պաշտոն:

37. Ինստիտուտի տնօրենը՝

1) կազմակերպում և վերահսկում է Ինստիտուտի գործունեությունը գիտական, գիտակրթական, միջազգային և այլ ոլորտներում,

2) ապահովում է Ինստիտուտի գիտական խորհրդի որոշումների կատարումը,

3) ռեկտորի հաստատմանն է ներկայացնում Ինստիտուտի հաստիքակազմը,

4) ռեկտորի հաստատմանն է ներկայացնում Ինստիտուտի կառուցվածքում լաբորատորիաներ և այլ կառուցվածքային ստորաբաժանումներ ստեղծելու, վերակազմակերպելու և լուծարելու վերաբերյալ,

5) սահմանված կարգով համալսարանի ռեկտորին առաջարկություններ է ներկայացնում գիտաշխատողներին ստորաբաժանումից ստորաբաժանում փոխադրելու, համապատասխան արձակուրդ ձևակերպելու վերաբերյալ,

6) հաստատում է լաբորատորիաների գործունեության տարեկան ծրագրերը,

7) տնօրինում է Ինստիտուտին հատկացված ֆինանսական միջոցները, այդ մասին հաղորդում է ֆակուլտետի գիտական խորհրդին Ինստիտուտի գործունեության վերաբերյալ ամենամյա հաշվետվություն ներկայացնելու ժամանակ,

8) լուծում է Ինստիտուտի կանոնադրությունից բխող և Ինստիտուտի գիտահետազոտական գործունեության հետ կապված այլ հարցեր:

IV. ԻՆՍՏԻՏՈՒՏԻ ԿԱՌՈՒՑՎԱԾՔԸ

41. Ինստիտուտի հիմնական ստորաբաժանումներն են լաբորատորիաները:

42. Լաբորատորիաները Ինստիտուտի գիտական գործընթացի կազմակերպման հիմնական կառուցվածքային ստորաբաժանումներն են, որոնց ստեղծման և գործունեության կարգը, ինչպես նաև իրավասությունը սահմանվում է Ինստիտուտի կանոնադրությամբ:

43. Լաբորատորիաների կազմում ընդգրկված են գիտաշխատողները, լաբորանտները:

44. Լաբորատորիաները մշակում են իրենց գործունեության տարեկան ծրագիրը և ներկայացնում տնօրենին հաստատման համար:

45. Լաբորատորիաների գործունեության հիմնական հարցերը քննարկվում են լաբորատորիաների համակազմի նիստերում: Լաբորատորիաների նիստերին խորհրդակցական ձայնի իրավունքով կարող են մասնակցել Ինստիտուտի տնօրենը կամ տեղակալը, լաբորատորիաների գիտաշխատողները, ուսումնաօժանդակ համակազմը և այլ աշխատողներ: Լաբորատորիաների նիստերը հրավիրվում են ըստ անհրաժեշտության, բայց

ոչ պակաս, քան տարեկան չորս անգամ: Լաբորատորիաների նիստերն արձանագրվում են: Արձանագրությունները ստորագրվում են լաբորատորիաների ղեկավարի ու գործավարի կողմից:

46. Ինստիտուտի կանոնադրությանը կից հավելվածի տեսքով ներկայացվում են Ինստիտուտի բոլոր կառուցվածքային ստորաբաժանումները:

ՀԱՎԵԼՎԱԾ

ԵՊՀ կենսաբանության ֆակուլտետի Կենսաբանության գիտահետազոտական
ինստիտուտի կառուցվածքային ստորաբաժանումները՝

- 1.
- 2.
- 3.